



جدوال قمبراچاان خطبه جمعة سيري 4/ 2022 (Bulan April 2022)

ب	تاجوق	تاريخ
1.	فرسياقن برتمو فيستا عبادة	1.4.2022M/ 29 Syaaban 1443H
2.	هوتغ (انتارا دوسا دان فاهلا)	8.4.2022M/ 6 Ramadhan 1443H
3.	نزول القرآن: تيتيق برمولاڻ فروهين	15.4.2022M/ 13 Ramadhan 1443H
4.	مرايه كنجرن برکندا	22.4.2022M/ 20 Ramadhan 1443H
5.	رمضان منمتکن فرهباءن ديري	29.4.2022M/ 27 Ramadhan 1443H
	خطبه کدوا	



فرچيتقن ديباياسي :
زكاة فولاو فينغ
تليفون : 04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Penolong Pengarah, Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah





PERSIAPAN BERTEMU PESTA IBADAH

(1 April 2022M / 29 Syaaban 1443H)

الْحَمْدُ لِلَّهِ مُصَرِّفِ الْأُمُورِ وَالْأَقْدَارِ، وَمُكَوِّرِ اللَّيْلِ عَلَى النَّهَارِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، جَعَلَ شَهْرَ رَمَضَانَ لِلْبَرَكَاتِ مَنَزِلًا.
وَلِلْفَضَائِلِ مَوْطِنًا، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
كَانَ يَصُومُ فِي شَعْبَانَ اسْتِعْدَادًا لِشَهْرِ رَمَضَانَ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ،
وَعَلَى كُلِّ مَنْ سَارَ عَلَى نَهْجِهِمْ وَاقْتَفَى أَثَرَهُمْ إِلَى يَوْمِ الدِّينِ.
أَمَّا بَعْدُ، فَأَوْصِيكُمْ وَنَفْسِي عِبَادَ اللَّهِ بِتَقْوَى اللَّهِ عَزَّ وَجَلَّ، فَقَدْ فَازَ الْمُتَّقُونَ

PARA TETAMU JUMAAT YANG DIKASIHI SEKALIAN,

Bertakwalah sekalian kamu kepada Allah dengan sebenar-benar takwa dan janganlah kamu mati melainkan dalam keadaan Islam. Semoga kita semua berada dalam lindungan kasih sayang dan rahmat daripada Allah **سُبْحَانَهُ وَتَعَالَى**.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: **“Persiapan Bertemu Pesta Ibadah”**.

SIDANG JUMAAT YANG DIHORMATI SEKALIAN,



Tanpa kita sedar, kini kita sudah berada di hujung bulan Syaaban. Kita telah hampir bertemu dengan bulan Ramadan. Bulan yang terkandung di dalamnya malam yang lebih baik daripada seribu bulan, bulan penurunan al-Quran, bulan yang digandakan pahala amalan serta bulan yang menjadi madrasah tarbiyah bagi meningkatkan darjat manusia di sisi Allah **سُبْحَانَهُ وَتَعَالَى**.

Kerinduan untuk bertemu bulan Ramadan dapat digambarkan melalui doa dalam sebuah hadis Riwayat Imam Ahmad, daripada Anas bin Malik **رَضِيَ اللَّهُ عَنْهُ** beliau berkata: “Rasulullah **ﷺ** berdoa sebaik sahaja datangnya bulan Rejab dengan doa berikut;

اللَّهُمَّ بَارِكْ لَنَا فِي رَجَبٍ وَشَعْبَانَ، وَبَارِكْ لَنَا فِي رَمَضَانَ

Maksudnya: “Ya Allah berkatilah bagi kami pada bulan Rejab dan Syaaban serta berkatilah kami juga pada bulan Ramadan”

Inilah bulan yang ditunggu-tunggu bagi orang-orang beriman seperti yang terakam dalam surah al-Baqarah ayat 185:

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ

... ﴿١٨٥﴾

Maksudnya: “(Masa yang diwajibkan kamu berpuasa itu ialah) bulan Ramadan yang padanya diturunkan Al-Quran, menjadi petunjuk bagi sekalian manusia, dan menjadi keterangan-keterangan yang menjelaskan petunjuk dan (menjelaskan) perbezaan antara yang benar dengan yang salah.”

Sebagai umat akhir zaman, kita seharusnya melakukan persediaan bagi menghadapi dan bertemu dengan bulan yang mulia ini kerana ianya merupakan peluang keemasan bagi menggandakan amalan. Mungkin kita tidak akan bertemu lagi bulan ini pada tahun hadapan kerana kematian boleh menjemput kita pada bila-bila masa sahaja.



SIDANG JUMAAT YANG DIRAHMATI OLEH ALLAH,

Pada ayat 183 surah al-Baqarah Allah **سُبْحَانَهُ وَتَعَالَى** berfirman:

يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٨٣﴾

Maksudnya: “Wahai orang-orang yang beriman, diwajibkan atas kamu berpuasa sebagaimana diwajibkan atas orang-orang sebelum kamu agar kamu bertakwa.”

Melalui ayat ini, Allah mewajibkan ke atas orang-orang yang beriman supaya berpuasa di bulan Ramadan dan menyatakan hikmahnya iaitu mencapai takwa yang merupakan benteng yang menjaga diri mereka daripada melakukan maksiat. Ini adalah kerana ibadah puasa itu sendiri dapat merendahkan nafsu syahwat yang sentiasa mendorong kepada maksiat. Betapa hebatnya ganjaran yang terdapat di dalam bulan Ramadan seperti yang disebutkan oleh Baginda ﷺ dalam sebuah hadis riwayat Imam Ahmad yang bermaksud:

“Tiadalah berlalu ke atas orang Islam bulan yang lebih baik bagi mereka daripada bulan Ramadan dan tidaklah kepada munafiq itu lebih teruk daripada bulan Ramadan. Sesungguhnya Allah **سُبْحَانَهُ وَتَعَالَى** menulis pahala ganjaran sebelum menjelmannya bulan dan juga menulis dosa serta kehinaan sebelum masuknya bulan Ramadan.”

MUSLIMIN YANG DIMULIAKAN ALLAH **سُبْحَانَهُ وَتَعَالَى**,

Dalam kesempatan masa yang singkat ini, ingin khatib nukilkan beberapa tips dan panduan agar kita menyiapkan diri untuk menghadapi bulan Ramadan seterusnya dapat mengambil sebanyak mungkin manfaat yang terdapat dalam bulan tersebut.

Pertama: Bertaubat Dan Memohon Keampunan Daripada Allah **سُبْحَانَهُ وَتَعَالَى.**



Antara penghalang daripada seseorang manusia melakukan ibadah kepada Allah ﷻ adalah kerana banyaknya dosa.

Imam al-Ghazali dalam kitabnya yang mahsyur Minhajul Abidin mendefinisikan taubat sebagai proses pembersihan dan penyucian hati daripada dosa. Kaedah taubat yang terbaik adalah taubat nasuha seperti yang disebut oleh Ibnu Abbas رَضِيَ اللَّهُ عَنْهُ;

“Taubat Nasuha ialah sesalan dengan hati, istighfar dengan lidah, buang perlakuan maksiat dengan tubuh badan dan berazam tidak kembali semula.”

Oleh itu, marilah kita menyegerakan taubat di bulan Syaaban yang mulia ini agar segala kesalahan kita diampun oleh Allah ﷻ sebagaimana firman Allah SWT dalam surah At Taubah ayat 27;

ثُمَّ يَتُوبُ اللَّهُ مِنْ بَعْدِ ذَلِكَ عَلَىٰ مَنْ يَشَاءُ ۗ وَاللَّهُ غَفُورٌ رَحِيمٌ ﴿٢٧﴾

Maksudnya: “Sesudah itu Allah menerima taubat dari orang-orang yang dikehendaki-Nya. Allah Maha Pengampun lagi Maha Penyayang.”

SIDANG JEMAAH YANG DIMULIAKAN,

Kedua: Menjaga Kesihatan Diri.

Ibadah puasa memerlukan seseorang berada dalam keadaan sihat dan bertenaga. Malah, ibadah puasa juga merupakan penawar kepada masalah kesihatan kerana ia boleh merangsang perubahan-perubahan dalam metabolisme badan. Ketika seseorang berpuasa, organ-organ badan dapat berehat seterusnya membantu membuang segala kotoran dan toksin dalam tubuh badan manusia.

Oleh itu, mengamalkan gaya hidup yang sihat sebelum, semasa dan selepas Ramadan amat dituntut oleh agama kerana Islam sendiri amat menekankan aspek penjagaan kesihatan terutamanya diet pemakanan



seperti yang diamalkan oleh baginda Nabi ﷺ. Sekiranya kita sakit ataupun mengalami keuzuran dari segi kesihatan, sudah pasti sedikit sebanyak akan mengganggu tumpuan untuk menjalani ibadah puasa dengan sempurna.

Ketiga: Mempelajari Ilmu Pengetahuan Mengenai Puasa.

Seseorang mukmin yang baik akan menjalani sesuatu ibadah berteraskan ilmu dan bukannya melakukan sesuatu ibadah tanpa ilmu.

Oleh itu, rebutlah kesempatan masa yang ada ini untuk mempelajari sebanyak mungkin ilmu-ilmu yang berkaitan dengan puasa Ramadan seperti hukum hakam puasa Ramadan, hikmah berpuasa, amalan-amalan yang dituntut ketika berpuasa. Semoga ilmu yang dipelajari tentang puasa Ramadan ini akan dapat membantu kita menjalani ibadah tersebut dengan sempurna. Justeru marilah sama-sama kita berazam agar Ramadan kali ini lebih baik dari sebelumnya dengan melipatgandakan amal soleh. Seperti yang disebut dalam sebuah hadis sahih Riwayat al-Bukhari:

مَنْ صَامَ رَمَضَانَ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ

Maksudnya: “Siapa yang berpuasa dengan penuh keimanan dan mengharapkan keredhaan Allah, maka akan diampunkan segala dosanya yang telah lalu.”

Ilmu yang diamalkan secara tidak langsung akan menimbulkan rasa semangat dan keyakinan yang jitu terutamanya khabar gembira kepada mereka yang mengetahui tentang kelebihan sesuatu ibadah. Sebuah hadis yang diriwayatkan oleh Imam at-Tirmizi, Rasulullah ﷺ bersabda:

مَنْ فَطَرَ صَائِمًا كَانَ لَهُ مِثْلُ أَجْرِهِ غَيْرَ أَنَّهُ لَا يَنْقُصُ مِنْ أَجْرِ الصَّائِمِ شَيْئًا

Maksudnya: “Sesiapa yang menyediakan makanan berbuka buat orang yang berpuasa, maka dia mendapat pahala seperti orang yang



berpuasa itu dan tidak dikurangkan sedikitpun dari pahala orang yang berpuasa itu.”

SIDANG JUMAAT YANG DIRAHMATI ALLAH,

Sebagai kesimpulan dari khutbah hari ini, marilah kita mengambil pengajaran seperti berikut:

1. Ramadan merupakan anugerah yang teristimewa yang dikurniakan kepada umat baginda Nabi ﷺ.
2. Orang yang beriman tidak akan mensia-siakan peluang untuk memperbanyakkan ibadah dan kebajikan walaupun sesaat dalam bulan Ramadan yang penuh kemuliaan.
3. Amatlah rugi bagi manusia yang tidak mengambil manfaat daripada kedatangan Ramadan.

Firman Allah ﷻ dalam surah al-Baqarah ayat 21:

يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ ﴿٢١﴾

Maksudnya: “Wahai sekalian manusia! Beribadatlah kepada Tuhan kamu yang telah menciptakan kamu dan orang-orang yang terdahulu daripada kamu, supaya kamu (menjadi orang-orang yang) bertakwa.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



خطبة كدوا بولن أفريل

2022M/ 1443H

الْحَمْدُ لِلَّهِ عَلَى أَلَايِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ

وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،

وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

